

**VIRI DOCTI
ANONYMI
IUDICIUM DE S.M.
IOANNA PAPISSA
RESTITUTA**



1082.19



VIRI DOCTI ANONYMI
IV DICIVM
DE
S. M.
IOANNA PAPISSA
RESTITVTA.

A. C. MDCCIII.





I quærat , utrum D. Samuel Maresius Joannam papissam restituerit , Blondellumque recte refutaverit, nec ne? respondeo, tantum abesse, ut Blondellus recte a D. Maresio sit refutatus, ut potius hic Maresius oleum & operam in illo refutando perdiderit, omnisq; judicii logici vacuus in arenam disputatoriam imprudenter descenderit, adeoque nihil, juxta cum imperitissimis disputatoribus hodiernis, effecerit, egeritque. Hoc ut sole meridiano fiat clarius, argumento prius ad hominem, uti vocant, utar, hinc ipsorum logicorum sententiis, quæ dicuntur, confirmabo. Argumentum dictum tale est. Novit D. Maresius, Pontificios ex Papia, Irenæo, Tertulliano, Eusebio, Hieronymo, & aliis quamplurimis, nobis persuadere conari, Petrum apostolum Romæ & fuisse, & ibidem 25. annis episcopum egisse, mortuumque esse. Nos vero autoritatibus illis, ceu recentioribus, incertis, fallacibus, maleque coherentibus, adeoque insufficientibus, prin-

cipiumque tantum petentibus, rejectis, id,
 quod Pontificii volunt, pernegamus; cum
 præterea in scriptura novi testamenti nec
 vola nec vestigium illius episcopatus Pe-
 trini reperiatur, immo contrarium potius
 ex eadem monstrari possit; quippe quæ
 testatur, Petrum Hierosolymis usque ad
 concilium mansisse, hinc in Babylone fui-
 se, ibidemque docuisse, circumcisis præ-
 dicasse, nec a Paulo, sive ad Roma-
 nos, sive ex Roma scribente, un-
 quam vel salutatum, vel nominatum
 fuisse. Ad hæc quid Pontificii? Excipi-
 unt, argumenta hæc esse negativa, nul-
 liusque valoris; non sequi, Lucam & Pau-
 lum non dicere, Petrum fuisse Romæ, er-
 go Romæ non fuisse: & plus credi tribus
 testibus affirmantibus, quam mille nihil
 dicentibus, &c. prout has Bellarmini ex-
 ceptiones Sibrandus Lubbertus in libro de
 Papa Romano p. 272. 273. 274. prolixè re-
 censet & refutat. Addunt porro, per *Ba-
 bylonem* Romam ipsam intelligi, Petrum
 Romam ad concilium advolasse, circum-
 cisis primario & potissimum prædicasse,
 & a Paulo propterea non fuisse vel saluta-
 tum vel nominatum, quod eo tempore
 ab

abfuerit, extraque Romam egerit. Contra, nos videntes, Pontificios jam non habere, quo sua rectius probent, auctoritatesque allatas firment, sed probationibus suis prorsus desertis, immo, acsi sua jam satis superque probâssent, in negativam tantum nostram frustra involare, eamque jure aut injuria examinare incipere, effugiisque demum suis, v.g. de affirmantibus suis testibus (qui tamen perinde sunt controversi, atque ipsa erat quæstio, adeo ut eo tempore, censente Lubberto pag. 266. 273. argumenta nostra ab auctoritate negative, omnino adhuc robur suum obtineant, validissimaque maneant) de Roma per Babylonem intellecta, deque Petri Romano episcopatu, & quod is tantum aliquando abfuerit, extraque Romam egerit, nihil prorsus promovere, quin potius sententiam tantum suam dicere, & incertum per æque incertum probare, hoc est, illud, quod est in principio, petere, prout id ipsum citatus Lubbertus p. 262. 266. 272 273. 274. 275. & 276. clare & ad oculum monstrat; nos, inquam, hunc Pontificiorum in disputando processum videntes, eos rationibus & probatione om-

mni prorsus destitui merito judicamus,
 falsumque esse, Petrum Romæ episcopum
 fuisse, prout illi volunt, constanter dici-
 mus & credimus. At quorsum hæc? in-
 quies. Scilicet, ut vel ex hoc exemplo,
 quod D. Maresius improbare nequit, cu-
 jusque ductu ipsemet sine dubio Petrum
 Romæ episcopum sedisse negat, mox ap-
 pareat, eum suam Joannam papissam in-
 feliciter infaustisque avibus, prout dicitur,
 restituisse. Nam cum eundem tantum,
 cum Pontificiis, disputandi, Joannamque
 suam probandi modum premat, quis eum
 ullam veram probationem attulisse, Joan-
 namque suam restituisse, credere nunc po-
 terit? Cæterum D. Maresium more pror-
 sus pontificio, i. e. vane & frustra Joan-
 nam suam probasse, ita monstro. 1. Ad-
 duxit urisitque D. Maresius pro Joanna sua
 probanda autoritates recentiores, incer-
 tas, fallaces, maleque cohærentes, (de
 quibus vide sis Onuphrium, Baronium,
 Remundum &c.) adeoque insufficientes,
 principiumque tantum petentes, quem-
 admodum ejusmodi autoritates supra ci-
 tatus Lubbertus expresse vereque nomi-
 nat, p. 266. Id vero & Pontificii, prout
 dictum

dictum est, in Petri Romano episcopatu probando fecere. 2. Postquam a Blondello clarissime monstratum esset, omnia vetustissima, illiusque (Joannæ, papissæ dictæ) temporis testimonia, Joannam papissam prorsus ignorare & excludere, quemadmodum nos alioquin scripturas Petri Romanum episcopatum prorsus ignorare & excludere, contra dicebamus dicimusque; D. Maresius eodem modo, quo inter alios Pontificios Bellarminus, sancti Petri episcopatum Romanum asseriturus, lib. 2. de Rom. Pontif. c. 8. facit, immo iisdem ejus verbis, testimonia illa, ceu negativa, elevat. p. 44. Ait enim: *Quam nihil concludatur argumentis ab auctoritate humana negative desumptis, res est notissima, & plus creditur*, inquit ipse Bellarminus l. 2. de Rom. Pontif. c. 8. quod repetit de Extrema Vnct. c. 6. *tribus testibus affirmantibus, quam mille nihil dicentibus; modo isti non negent, quod alii affirmant.* Et p. 20. his adhuc absurdiora adfert D. Maresius: *Allatos a Blondello testes tacentes non plus videri Joannam excludere, quam includere*, inquiens, eo, quod, qui tacet, consentire videatur. Risum teneatis amici.

Pergit vero D. Maresius, &, quasi sententiam suam de Joanna jam optime solideque probâisset, (prorsus scilicet, quemadmodum Pontificios facere, paulo ante monstratum est) ex illa sua nondum probata sententia, ad omnia negativæ testimonia strenue respondet, in iis *non immediate, sed mediate Benedictum Leoni successisse dici* asserens, Joannamque propterea, *quod nullo jure papabilis fuerit, ab autoribus illis omissam esse, nec commemorari*, perpetuo excipiens. Ecquis vero nunc hinc D. Maresium vanas Pontificiorum disputationes prorsus imitatum esse, non animadvertat, eundemque non tantum Joannæ papissæ patronum, sed & imprudentissimum simul episcopatus Romani Petri assertorem existere non videat? Verum, quemadmodum paulo ante, perversum hunc Pontificiorum disputandi morem, merito tum a Sibrando Lubberto, tum ab aliis doctioribus, improbatum & rejectum esse, ostensum est, ita hoc exemplo nunc manifestum evadit, nisi forte D. Maresius in Pontificiorum castra prorsus descendere, Petrique Romanum episcopatum cum iisdem contra veritatem defendere tandem velit

velit, eundem D. Maresium vane & frustra, inauspicatoque prorsus, Joannam suam restituisse, asseruisse, & probasse. Id quod hic omnium primo fuit ostendendum. Neque enim est, quod D. Maresius p. 5. excipiat, & dicat: *Quod si cuilibet auctori gravi, scribenti de iis, quæ ducentis annis ante se contigerint, fides esset deroganda, hoc tantum argumento, quod nulli nunc extant illo vetustiores testes rerum, quæ ab ipso narrantur, debet apud nos nutare auctoritas omnium fere historicorum Græcorum & Latinorum: immo nec poterimus philoso-* pho ethnico persuadere. *ut saltem fide humana Mosi credat de uniuersali diluvio, & rebus ante exodum gestis, cum testimonio nullius, qui ante Mosén scripserit, fidem illius adstruere queamus:* Nam quicumque auctores de re aliqua, quæ ducentis annis ante contigit, ita testantur, ut illo ipso tempore, quo res ista contigisse dicitur, alii tamen horum similes fuerint, qui, etiam si optimam ad eandem commemorandam habuerint occasionem, nec tamen ullam prorsus illius rei mentionem fecerint (quemadmodum quidem Blondellus multos tales de Joanna papissa prorsus ta-

centes in medium producit & citat) hos, certum est, fidem nunquam mereri: pro- ut allatum Romani episcopatus Petri e- xemplum, tum & missa, multaque Pon- tificiorum sacramenta & miracula, id ipsum clare docent & evincunt. Nam ad argu- mentum hoc Maresii, *Quicquid autor gra-vis de iis, quæ ducentis annis ante se con- tingerunt, testatur, illud credi debet*, ita in- sto & subsumo: Atqui Irenæus, Tertul- lianus, Hieronymus &c. de Petri Roma- no episcopatu, & alii de missa, sacramen- tis & miraculis Pontificiorum testantur. Ergo hæc omnia crediderunt. Id quod tamen contra ipsum est Maresium, utpo- te qui hanc conclusionem nunquam est concessurus. Et tantum de exemplo, quo D. Maresius Joannam suam infirmiter & vane restituisse, asseruisseque, convinci potest. Sed præterea omnibus quoque illorum logicorum, qui de methodo dis- putandi scripserunt, calculis D. Maresius nihil egisse aut effecisse, ostendi potest. Hi enim autores i. probantem seu op- ponentem, in quorum numero D. Mare- sius nunc est, non verisimilibus tantum & probabilibus rationibus, ne dicam in- certis

certis, qualibus D. Mareſius uſus eſt, antithesi ſuam probare debere docent, ſed apodicticis prorsus, & quibus theſis reſpondentis plane evertatur, ita, ut impoſſibile ſit, eam ampliuseſſe veram. 2. Iidem autores & hoc vehementer improbant, futilitatisque argumentum clariffimum eſſe docent, ubi probans, deſerta ſua probandi provincia, & antequam quicquam ſolide probaverit, in rationes reſpondentis involat, ei argumenta tribuit, & ex reſpondente opponentem facit. Id quod D. Mareſium quoque perpetuo feciſſe, deinde conſtabit. Juvat vero, omnia ipſorum autorum de duplici hac doctrina verba adſcribere, propiusque inſpicere. De priori ergo doctrina Hornejus, cum quo & reliqui conſentiunt, in Proceſſu diſputandi p. 127. & 128. ita ſcribit: *Obſervandum eſt, multa eſſe beneficia ſolutionis objectionum, ſi-ve reſpondentis, quæ in argumentatione aut in opponente locum non habent. Præcipuum autem hoc eſt, quod, qui ſolvit objectionem, ſufficienter officio ſuo functus eſt, ſi id, quod dicit, probabile ſit, aut oſtendi poſſit, ita illud poſſibile eſſe, nec abſurdi quicquam involvere. At hoc privilegium opponens*

ponens non habet: nec enim recte thesin oppugnat, aut id efficit, quod vult, si ostendat, conclusionem, quam facit, veram esse posse. Utriusque rei causa in promptu est. Cum enim opponens promittat, se ostensurum, thema hoc aut illud falsum esse, si ve non posse fieri, ut verum sit, quod respondens in thesibus asserit, præstare id debet. Et rationes afferre, quibus evincat, esse impossibile illud, quod respondens ponit. At respondens Et omnis, qui objectiones solvit, cum id tantum polliceatur, se ostensurum, possibile esse, ita rem se habere, ut dixerit, ad ulteriorem probationem cogi non potest. Exemplum (sunt verba ejusdem Horneji pergentis) inde capite. Si quis alteri crimen intentet, non sufficit, si id tantum ostendat posse fieri, ut verum sit, cujus alterum insinuat, sed probare tenetur, revera rem ita se habere, nec aliter fieri posse, quin verum sit. Qui vero crimen illud diluit, sufficienter respondet, si ostendat, nullum documentum allatorum id efficere, quod actor probare nititur, nec ex ullo eorum necessario inferri crimen, quod sibi impingatur. Eadem ratio est, inquit, de disputatione. Idque etiam Chrysostomus Jarvellus docet in 1. partem Thomæ quest. 2. art. 8. cum ait,
respon-

responsionem non requirere tantam evidentiam, quantam requirat probatio, sed sufficere, si ostendatur, quod probatio vel medium concludendi assumptum ab opponente, non veritat sententiam nostram, etiamsi nos negligamus demonstrare, contrarium verum esse. Hucusque Hornejus cum Javello. Ex quorum verbis nunc clarissime constare potest, 1. Blondellum quidem, ceu in hac de Joanna papissa quæstione respondentem & negantem, officio suo, ut decet, functum esse, dum verisimiles & probabiles rationes negationis suæ, & cur non credat, ejusmodi Joannam papissam fuisse, in medium attulit: de quibus & postea agendi locus erit. Contra vero 2. D. Maresium cum aliis suis Joannæ papissæ patronis, ceu probantem, affirmantem & opponentem, sequius egisse, dum 1. non apodicticas & cogentes rationes pro Joanna papissa restituenda seu probanda attulit, sed incertas prorsus, & vix verisimiles, talesque, quæ a Lubberto de Papa Rom. p. 266. merito his verbis perstringuntur: *Cum igitur, inquit, ex auctoritatibus incertis & controversis, & quas adversarius ipse interdum repudiat, hoc probet,*

bet, manifestum est, incertum probari per incertum, hoc est, peti illud, quod est in principio, vel, quod idem est, allegari pro principio, quod principium non est. 2. dum, quas ipsemet non adduxit, nec adducere potuit, apodicticas rationes a Blondello semper postulavit, qui tamen rationum satis pro negativa sua adduxerat, quemadmodum & deinde ostendetur. Iniqua vero illa D. Maresii postulata illis verbis continentur, ubi subinde dicit: *Argumentum (Blondellianum) ex Lupi epist. 103. nullius est momenti, pag. 23. non statim decessoris titulus immediatam successionem arguit. pag. ead. valde frigidum est, quod ex epist. 46. Nicolai &c. urgetur. pag. 25. &c.* Et tantum de priori logicorum seu disputatorum doctrina, in quam D. Maresium peccasse, adeoque Joannam suam papissam infelicer contra Blondellum restituisse & probasse, nunc satis est ostensum. Sequitur posterior eorundem logicorum doctrina, qua cavetur, ne opponens ante tempus, & antequam antithesin suam solide probaverit, in rationes respondentis involet, eas examinare incipiat, seseque adeo respondentem constituat, respondentem argumen-

gumenta mera tribuat, & ad ea, ac si sua jam sufficientissime probâisset, negando, vel distinguendo respondeat, cum tamen hac ratione nihil aliud agat, quam ut imbelles impetus faciat, solidamque petram inaniter quasset pulsetque. Hinc enim Keslerus in Exam. Log. Photin. sect. IV. princ. 3. in Pareo ἀμεθοδία illam improbat, quod, dum Socinus consequentiam tantum hujus majoris propositionis, *Quicumque nos redemit, ille pro nobis dato λύτρωσας* satisfecit, instantia de Mose, qui etiam redemptor populi dicatur Act. 7. infregisset, Pareus ei mox argumentationem, eamque ineptam aut a particulari ad universale tribuerit, & tanquam respondens cum eo egerit, cum tamen Pareus ipsemet adhuc opponens esset, rectiusque sua adhuc prius probare debuisset, antequam sibi respondentis munus contra Socinum arrogare debuisset. Verba Kesleri pag. 312. &c. hæc sunt: *Peccant & injuriam faciunt respondentibus, qui in hoc casu eum ita tractant, quasi simpliciter sit argumentans, & rationem suam contra conclusionem opponentis dirigat. Consequenter iidem peccant, qui in hoc*

*boc casu (respondentis munere sibi præ-
 mature vindicato) respondentem accusant,
 quasi a particulari ad particulare, vel uni-
 versale argumentetur, cum tamen nihil mi-
 nus facit. Et mox, postquam exemplo
 rem declarâisset, hoc, inquit, aliquanto
 latius explicandum duxi, quandoquidem mul-
 toties usu venit, ut opponens (quemadmo-
 dum hic Pareus) existimet, se satis superq;
 respondentis solutioni satisfacere, si dicto mo-
 do procedat, (respondentis munus sibi ar-
 rogando, respondentique injuriam facien-
 do) cum tamen contrarium sit dicendum.
 Hoc potius medium superest opponenti (NB
 Hic nunc Keslerus digitum in ea inten-
 dit, quæ paulo ante dicebantur, nimirum,
 opponentis esse, sua prius recte & suffi-
 cienter probare, antequam in responden-
 tis rationes involare, negandoque aut di-
 stinguendo respondere, adeoque sese re-
 spondentem, quemadmodum quidem D.
 Maresius fecit, constituere velit) ut majo-
 rem prius ita limitet, ut exemplum, quod
 instantiæ loco respondens afferebat, non am-
 plius subsumi possit. Et non nullis inter-
 jectis: Socinus, inquit, argumentatione sua
 infringit universalitatem majoris, adeoq; con-
 sequen-*

sequentiam : Christus est redemptor. E. dato pretio satisfecit : *infirmittatis arguit.* Hic sane , addit, *nolim ex Socino argumentantem & opponentem facere; quasi hoc argumento velit demonstrare , Christum non satisfecisse dato pretio , adeoque a particulari ad uniuersale , vel ad particulare argumentetur ; nolim , inquam : ne sic ipsi injuriam inferam , quippe non contra conclusionem probati syllogismi , sed contra ejus principium , propositionem nempe majorem , exempla afferenti.* Respondeo potius (ait porro Keslerus) *verbis D. D. Graueri p. m. Non simpliciter & nude nos ex vocabulis , Redimere , Redemptio , Redemptor , &c. argumentamur , ut putant aduersarii ; no uimus ipsi , hanc eludendi rationem minus esse firmam propterea , quod hæ voces non semper eandem significationem obtineant , verum nos ex contextu (hic iterum innuit Keslerus , opponentem , antequam sua recte & sufficienter probârit , pergere , respondentemque agere non posse ,) & adjunctis determinationibus nostram colligimus sententiam.* Hucusq; verba Kesleri. Ex quibus, quemadmodum & multis aliis aliorum autorum verbis, quæ hic citari possent, nisi res apud omnes

cordatos jam esset in confesso, id nunc manifestum evadit, opponentem, non nisi antithesi sua rectissime & sufficientissime prius probata, respondentis munus sibi arrogare posse, & præterea respondentem non facile argumentationem tribuere debere. Adde, quod D. Maresius vere quoque ex Blondello respondente fecerit argumentantem, adeoque censoriam logicorum virgulam meritus sit, quoties scilicet Blondello argumentationem imputavit. Id quod uno hoc exemplo satis doceri declararique potest. Nam cum Pontificii juxta cum D. Maresio ita argumentantur: *Qui quid autores testantur, illud credi debet*, Blondellus hanc propositionem limitasse censendus est: Quicquid autores testantur, nullo negante aut contradicente, seu ita, ut nemo etiam inter autores reperiatur, qui contrarium indicare, illorumque citatorum autorum fidem & autoritatem infringere videatur, illud credi debet. Atque ita limitatam minorem Blondellus negat, &, ut verisimilem suam faciat sententiam, non nullos autores negantes sive tacentes adducit. Quid hic Maresius? Ait p. 43. & 44.

Nihil

Nibil concludi argumentis ab autoritate humana negative sumtis. Non enim ideo non extitisse olim in Persia pseudo-Smerdem, eo quod à Ptolemæo inter Reges Persarum non nominetur. Verum NB. non ita præcise argumentatus fuerat Blondellus, quemadmodum eum D. Maresius hic argumentatum esse innuit : Quia aliqui autores de Joanna tacent, ideo ea non extitit; sed ita tantum concludere satis habuit: Quia aliqui autores de Joanna tacent, sequitur, citatorum à Maresio autorum de Joanna testimonium non esse firmum. Adeoque D. Maresius Blondellum immerito argumentantem & opponentem fecit, cum tamen Blondellus non proprie conclusionē Maresii aut aliorum similium impugnaverit, sed infirmitatem tantum argumenti, ab illis facti, ostenderit. Confer, quæ de hoc respondendi modo prolixè monet Keslerus Exam. Log. Photin. Sect. 4. princ. 3. p. 311. & seqq.

Quæres : An in D. Maresio perpetuum sit, quod 1. deserta sua probandi provincia, 2. sese respondentem constituerit, Blondellumque opponentem & argumentantem fecerit. Resp. Est prorsus. Nam mox (ut loca ejus aliqua de utroque nunc

proferam) pag. 2. & 4. se ostensurum promittit, *Anastasium quoque bibliothecarium*, ceu putatæ Joannæ papissæ coævum, *hujus Joannæ meminisse*, & *præterea Radulphum Flaviacensem ejusdem Joannæ pontificatum recensuisse* : cum tamen nec de Anastasio idusquam probare potuerit, sed potius p. 155. concedere tandem quoq; videatur, in Anastasio hoc, pro causa Blondelliana NB. testimonium negativum, etiamsi id infirmum esse dicat, haberi, nec Radulphi Flaviacensis testimonium, quale sit, usquam, quemadmodum quidem alia minoris momenti testimonia, alleget, allegareque possit. Pag. eadem 2. *neminem esse dicit, qui in dubium vocârit hanc de Joanna papissa historiam, eamque falsi suspitione onerârit, ante tempora reformationis, cœptæ ministerio Lutheri & Zwinglii.* Et iterum pag. 3. jurejurando quasi hoc ipsum confirmat, dum ita ait : *Itaque re vera, qui prior in dubium vocavit papatum Joannæ, fuit Joannes Aventinus.* Cum tamen, vel ipso D. Maresio fatente, Æneas Sylvius jam suo tempore historiam istam incertam esse di erit, & verisimile prorsus sit, plures fuisse, qui historiam illam pro incerta habuerint.

buerint. Hinc enim eæ voces apud Sigbertum & alios, *Fama est, Fertur, Ferunt, Ajunt* : quibus fere ea , quæ adhuc incerta sunt, indicari solent. Præterea nihil prorsus D. Maresius adfert , quo probet, neminem ante Lutheri tempora fuisse, qui historiam de Joanna hac in dubium vocarit : an enim omnes mundi bibliothecas sive publicas sive privatas ita excussit, ut ista tam audacter asseverare posset? an cum omnibus hominibus in seculo nono, decimo, undecimo, & duodecimo, super hac historia egit, agereve potuit, animosque eorum exploravit, ut, quid illi omnes senserint, dixerintve, affirmare enarrareque valeat? Porro pag. 23. D. Maresius, respondentis sumto munere, strenueque supponens, fuisse aliquam Joannam papissam, quam tamen prius probare debuisset, argumenta & testimonia Blondelli, (ex Lupo Ferrariorum Abbate, Concilio Tullensi, Nicolao I. papa, Adone, Anastasio bibliothecario, Hincmaro, Guilielmo bibliothecario, & Annalibus Bertinianis, Photio item, Metrophane, & Styliano, ceu Græcis, eodemque putatæ Joannæ VIII. tempore

viventibus, producta, valdeque propter hunc synchronismum stringentia) simpliciter rejicit, vanas conjecturas suas substituit, & audacter distinguere incipit, inter *mediatam* & *immediatam* *successionem*, mediataque tantum citatis a Blondello autoribus tributa successione, ita ait: *Argumentum, quod hic urgetur ex Lupi Epist. 103. quo cum Baronio pugnat etiam Remundus, nullius est momenti. Dixit quidem Lupus iste, Leonem decessorem Benedicti, tum quia Joanna nullo jure papabilis fuerat, ut illius mentionem facere imprudentiæ summæ fuisset in Lupo, (en, quam audacter D. Maresius Lupo tribuat, ac si is Joannam papissam fuisse credidisset, statuissetque; cum tamen Blondellus ex ejusdem Lupi verbis contrarium multo verisimilius monstret) tum quia non statim decessoris titulus (NB. distinctionem D. Maresii) immediatam successionem arguit. Et pag. seq. rursus tamen D. Maresius minus certus esse incipit, utrum Lupus de Joanna quicquam sciverit. Ait enim mox: Sed sane potuit fieri, (en conjecturas meas) ut Lupus &c nondum, cum scriberet, pro certo compertum habuerit, quis qualis ve fuisset*

fuiſſet Joannes, mas an femina. Ita pag. 24. D. Mareſius ad verba Tullenſis Concilii diſtinctionem ſuam applicat, dum ait: *Eodem modo ſucceſſor Leonis dicitur Benedi-ctus in his Actis, quo illum hujus deceſſorem dixerat Lupus, non immediatum, ſed media-
tum,* (en, quam ſecure hic iterum inter-
pretem agat D. Mareſius, quamque confi-
denter ſua utatur diſtinctione; immo per-
git) *nifi etiam re vera immediatum dixeris, quod Joanna non ὄντως, ſed δοξαſτικῶς tantum papa fuerit.* En iterum ſuppoſitionem va-
nam. Pag. 25. ait D. Mareſius ad allega-
tum a Blondello teſtimonium Nicolai I. papæ: *Jam reſponſum eſt. Potuit Nico-
laus deceſſores ſuos nominare Leonem & Be-
nedictum, quod Joanna, media inter utrum-
que, extra paparum ordinem cenſenda fue-
rit, cum ipſa poſt Leonem non niſi æqui voce
& δοξαſτικῶς pontifex fuiſſet.* Immo ajo, ſi
vere reſpodentis partes hic egiffet D. Ma-
reſius, exceptiones hæc locum aliquem in-
venire potuiſſent, quæ jam quidem ina-
nes & frivolæ ſunt ſuppoſitiones. Pag. 28.
ad Adonis verba, *Leone obeunte, Benedi-
ctum in ſede apoſtolica ſubſtitutum eſſe dicen-
tis,* ait: (nam nunc breviter tantum

loca reliqua D. Maresii adscribam, in quibus præter meritum & ante tempus, prout ante dictum est, distinctione sua adhibita respondentem egit) *Non utiq., quod Joanna pseudo-papa media non intercesserit, sed quod inter Leonem & Benedictum nullus legitimus papa medius federit.* Et paucis interjectis: *Nihil porro, inquit, obstat, quominus Leone obeunte statuatur Benedictus substitutus in sede apostolica, ut iste narrat, etsi id non factum sit, nisi aliquamdiu post Leonis obitum, & cum jam Joanna illam sedem incesstasset.* Pag. 31. ad Anastasii bibliothecarii testimonium negativum a Blondello citatum ait: *An omnino foret improbabile, præteritam fuisse Joannæ historiam ab alterutro (sive Anastasio, sive Guilielmo) ob rei turpitudinem & infamiam?* Pag. 34. ad citatam a Blondello epistolam Hincmari, D. Maresius inter alia addit: *Facile potuit totum Joannæ biennium elabi, ut (Hincmarus) destinatam prius ad Leonem legationem, non nisi ad Benedictum submitteret. Cum autem hac occasione nihil actum fuisset ab Hincmaro, quoad synodum Sueffionensem cum Joanna, mirum non est, quod ipse & Nicolaus in suis ea de re epistolis, & Flodoardus*

duſ ex illis Hiſt. Eccl. Rom. cap. 10. mentionem tantum faciant Leonis & Benedicti, quorum ſcil. ille diſtulerat hanc confirmationem, hic tandem eam conceſſerat. Pag. 37. ad teſtimonium Flodoardi a Blondello productum ita reſpondet : Cum nemo Joannam pro legitimo papa habuerit, merito dixit Benedictum, Leonis Suceſſorem. Et mox : Male, inquit, ex iſtis Flodoardi verbis colligas, non ſediſſe Joannam inter Leonem & Benedictum. Pag. 38. ad Leonis IX. papæ teſtimonium a Blondello citatum, ita addit : Colligo, verifiſimilimum eſſe, Leonem id, quod ſuæ ſedi contigerat (nimirum quod femina olim in ſedem eam ſublimata fuerat) & cuius ſibi bene conſcius erat, attribuire Conſtantinopolitanæ, per ſtratagemam politicum, ſeu (ut mox addit, vel conviciis eos proſcindens, qui ſuæ ſententiæ non patrocinentur) per mendacium pontificale. P. 41. ad Hermannii teſtimonium ita reſpondet : Mirum non foret, monachum ſuperſtitioſum & totum addiſtum ſedi Romanæ, hoc ejus probrum ſilentio præteriſſe. Et mox : Inter pontifices Joannam, licet ſederit, cenſendam non fuiſſe, extra controverſiam putabat.

Pag. 43. ad Hugonis Floriacensis aliorum-
que XI. testimonia, citata a Blondello,
ita respondet : *Omnes eam (Joannam)*
omittunt in recensendis pontificibus, ob fa-
cti turpitudinem, & quod non ὄντως sed δοξα-
σιως tantum pontifex fuerit. Pag 47. ad
novem testimonia Græcorum ita ait :
Quod dicatur Benedictus sedisse post Leo-
nem ; inde non sequitur , Joannam mediam
non intervenisse , quoniam per errorem &
fraudem introducta , non potuit nomine nu-
merum facere. Et denique pag. 49. (nam
quid refert plura loca annotare, quando-
quidem & adducta fatis sint ?) ait D. Ma-
resius : *Revera , etiam posita Joanna, Be-*
nedictus Leoni immediate successit in serie pa-
parum, siquidem illa nec papa fuit, nec po-
tuit esse, sed papissa. Ex his igitur D. Maresii
verbis illud nunc clare & manifeste appa-
ret, ipsum perpetuo respondentem egisse,
nec quicquam probasse, sed secuta omnia
tanquam jam sufficienter probata suppo-
suisse.

Quæres 2. Annon D. Maresius vel
eo quicquam probaverit , dum pag.
44. cum Bellarmino dicit , *plus credi cre-*
dique

dique debere) *tribus testibus affirmantibus, quam mille nihil dicentibus?* Resp. Nulla ratione. Nam quod hic ex Bellarmino affertur, verum tantum est, ubi mera est imparitas, v. g. si homines sint, quorum aliqui occasione data rem quampiam suo tempore gestam esse narrent, publicamque esse affirmant, alii vero, eodem licet tempore viventes, at nullam tamen ad rem illam gestam narrandam occasionem habentes, prorsus taceant, eamque neque affirmant neque negent, tum quidem certum est, plus credi tribus ejusmodi narrantibus & affirmantibus testibus, quàm mille nihil dicentibus profusq; tacentibus. Verum, quid hoc ad nostram quæstionem? ubi non prorsus tacentes afferuntur, sed tales, qui occasionem ad rem gestam commemorandam habuerunt, eamque tamen commemorare prorsus omiserunt; immo, qui rem istam, si gesta fuisset, rectius multoque certius nòsse & commemorare potuissent, quam affirmantes, ceu qui tempore rei gestæ vixerint; cum hi affirmantes longo post tempore demum in vivis fuerint. v. g. Si quis hoc tempore

enume-

enumeraturus professores Leydenſes, omittat D. Mareſium, poſt ducentos vero annos exiſtat aliquis, qui neſcio ex qua fama dicat, D. Mareſium, qui Groningæ tantum fuit, circa hoc ipſum tempus profeſſorem fuiſſe Leydenſem : an ipſe D. Mareſius putaret, huic affirmanti plus credendum eſſe, quam neganti illi? Vix crediderim. Nam recentioribus teſtibus, etiamſi affirmantibus, nunquam plene credi, ſi vetuſtiores adſint, iique ſaltem tacentes, immo his tacentibus eo in caſu ſemper plus credi, (contra quam ſibi D. Mareſius cum inſtante ſuo Bellarmino perſuadet) ex quamplurimis variorum autorum locis facile oſtendi probarique poſſet. Tres autores hic attuliſſe ſatis erit. Quorum primus eſt Joh. Cluverus in Epitome Hiftoriarum, pag. 321. ita ſcribens : *Eusebius, nec martyrii Calliſti meminit, nec ſucceſſoris ejus Urbani, quos tamen ſanguinem pro Chriſto fuſiſſe Damascius, & poſt eum Marianus Scotus, Platina, Sabellicus, Nauclerus, alique ſcripſere. Sed nobis, ait, ea, quæ a ſuorum (NB.) temporum hiftoriographis nec fidem nec probabilitatem*

tatem habent, in literas mittere, (NB) religio est. En, quanta religione autor hic a recentioribus historicis & testibus, etiam si affirmantibus, abstinuerit, ut eos etiam allegare prorsus noluerit, neglexeritque, præsertim eum Eusebium, ceu vetustiorum illis omnibus testem, eumque tacentem tantum, repererit. Sequitur Joh. Gerhardus, qui in Patrologia sua p. 18. ita scribit: *Bellarminus hoc urget, quod opera Dionysii areopagitæ sub nomine Dionysii citent tres pontifices, duo concilia, plurimi doctores.* At novum non est, in citando vulgatam opinionem dominari. Et pag. 19. *Scripta, inquit, Dionysii supposititia esse, probant Laurentius Valla & Erasmus, Lutherus, Cajetanus, & alii complures, utpote Whitakerus, Flacius, qui has producunt rationes: 1. ex styli ratione 2. ex prætermissa ejus in scriptis veterum mentione.* Porro addit: *Eusebius scribit, Dionysium Atheniensem episcopum fuisse factum, nec tamen scriptorum ejus ullam facit mentionem; quod utique more suo nunquam tacuisset.* Hieronymus in *Catal. Script.* nullam scriptorum Dionysii facit mentionem, cum tamen ex professo enumerare consi-

constituerit scriptores eos ecclesiasticos, qui posteritati aliquid reliquerunt: immo nullus ante Gregorium M. qui tamen citans hujus literas, non indicat, fuisse eum Dionysium areopagitam. En iterum autorem, aut potius multos clarissimos autores, qui ex prætermissa scriptorum Dionysii areopagitæ in scriptis veterum mentione, adeoque ex negativo tacentium testimonio, etiamsi multi sint fuerintque affirmantes, opera illa Dionysio tributa, ejusdem Dionysii esse negant. Quibus autoribus & episcopus ille orthodoxus, cujus Baronius sub anno C. 532. n. 39. meminit, addi potest, qui in Collatione CPTana cum Severianis, Dionysii hujus scripta urgentibus, nomine omnium congregatorum episcoporum, iisdem Severianis ita respondit: *Si nullus ex antiquis* (scriptoribus, Cyrillo scilicet, Athanasio, &c.) *recordatus est ea, (scripta,) unde nunc possitis ostendere, quia illius (Dionysii) sint, nescio.* Quibus verbis, affirmantibus testibus recentioribus, si veteres tantum taceant, (NB.) fides similiter derogatur. Tertius autor huc faciens ipse est Bellarminus, quem tamen pro se citaverat D. Maresius. Is enim in
lib.

lib. de Script. eccles. postquam & Acta Lini, & Abdiæ scripta propterea inter supposititia & falsa rejecerat, *quod eorum* (BN.) *nullam in veteribus mentionem invenisset,* & librum de Expositione fidei, Justino martyri adscriptum, his verbis clarissime & diserte inter dubia & supposititia reputat: *Justini, inquit, opus fertur, Expositio fidei, si-ve de Recta confessione. Ambigo tamen, an ejus sit, primo* (NB.) *quia veteres ejus non meminerunt.* &c. Hic, inquam, clare conspicitur, & Bellarminum ipsum, quem tamen D. Maresius pro se quoque citabat, propterea Expositionem fidei pro indubitato libro Justini recipere nolle, (etiamsi vel centeni sint testes affirmantes, sed recentiores saltem) quia veteres de eo prorsus taceant. Quemadmodum quidem & paulo ante citatus Gerhardus in Patrologia sua cum multis aliis autoribus, tum *Martialis Lemo-vicensis epistolae supposititias esse, probat* (NB.) *ex veterum silentio,* tum dictam *Expositionem fidei Justini non esse, probari dicit* (NB.) *ex allegationis omissione;* additque, *quod Eusebius, Hieronymus, Photius, Honorius meminissent*

sent utique hujus libri, cum illis temporibus multum ad certamina de S. Trinitate Justinianus autoritas conferre potuisset. Ex his igitur & quamplurimis aliis autoribus, qui huc citari possent, nunc clare & manifeste colligitur, falsum esse prorsus D. Maresii esatum, si simpliciter proferatur, quod scilicet plus credatur tribus testibus affirmantibus, quam mille nihil dicentibus: & contrarium potius ex allegatis autorum verbis nunc colligi posse, nimirum plus credi tribus autoribus, immo uni, nihil dicenti, quam mille affirmantibus recentioribus, quales scilicet Maresius in causæ suæ subsidium adduxit. Adeoque nunc tantum abest, ut D. Maresius quicquam probaverit, Joannamque suam restituerit, ut potius, juxta cum Pontificiis, traditiones suas fabulosaeque multa alia, non alia ratione probantibus aut probare valentibus, apud cordatos homines ludibrium tantum meritis sit, sequere ridendum propinaverit. Immo videtur quoque in allegatis hisce autorum verbis & exemplis cardo totius negotii seu quaestionis de Joanna papissa versari, quandoquidem

dem & difficultas illa (inde mota, quod, si Joanna papissa commentum esset, origo tamen aliqua hujus commenti monstrari deberet aut posset,) exemplis istis allatis nunc protinus tollatur, si scilicet respondeatur, neque de libris, sive Lino, sive Abdiæ, sive Martiali, sive denique Justino falso adscriptis, originem aliquam falsitatis monstrari posse, manere tamen eosdem libros nihilominus falsos, spurios, & supposititios. Quod idem nunc quoque de Joannæ papissæ credita historia dicendum venit.

Quæres denique, utrum ergo Blondelli sententia nunc necessario sit vera, postquam D. Maresium nihil solidi in contrarium attulisse, huc usque ostensum est? Resp. 1. Etiam si Blondellus nullas sententiæ suæ rationes in medium adduxisset, omnino tamen rationes in contrarium sive a Maresio, sive ab aliis Joannæ papissæ patronis allatæ, sua sponte suaque infirmitate aut tenuitate evanescerent, inque auras evolarent: adeoque sententiam D. Maresii

C

impro-

improbabilem falsamque relinquerent, Blondelli sententia antiquam suam certitudinem & veritatem constanter retinente obtinenteque. 2. Sed præterea & rationes pro sententia sua attulit Blondellus, quas, etiamsi tandem D. Maresius argutiolis effugiisque suis variis eludere refutareque potuisset, nondum tamen quicquam effecisset, neque sententiam aut thesin Blondelli mox falsitatis arguisset eo, quod suam antithesin & sententiam minime adhuc probaverit, solidisque argumentis adstruxerit. Verum enim vero 3. tales Blondellus pro sententia sua adduxit rationes, quæ duplici de causa a D. Maresio refutari non possunt. Quarum prima est, quod D. Maresius opponens & probans sit, cujus non est, Blondelli ceu respondentis rationes examinare, seseque adeo respondentem facere, nisi postquam sua rectissime & solidissime prius probaverit: quemadmodum id supra prolixè est monstratum. Altera causa, cur Blondellus
a D.

a D. Maresio , etiamsi hic vel respondens tandem fuisset , refutari nulla ratione potuerit possitque , est , quod Blondellus verba autorum , quos pro sua sententia allegavit , semper in significato famosiori , ordinario ac nativo, sumserit. Jam vero ei , qui ita agit, causa a peritis disputatoribus perpetuo adjudicatur. Ita enim inter alios Kesslerus in Exam. Log. Photin. scribit, pag. 7. & 381. has disputatorum regulas de hoc negotio proferens & urgens : *Verba tamdiu militant pro significato famosiori , donec evidens causa, quæ alium suadeat , ostendatur.* Et iterum : *Qui in loco aliquo pro sua sententia prolato significationem urget famosio- rem, regularem & ordinariam , hætenus firmiter concludit , donec adversarius probet, quod necessario a communi significatione ad minus communem sit transeundum.* Ad- ditque mox sequentia : *Si disputator, etiamsi opponens sit , certam locoque convenientem significationem urget , tum respondens , seu qui respondet , non*

C 2

habet,

habet , quod , quoad significationem , excipere possit , dicendo , (NB) vocem aliter accipi posse : a posse enim ad debere non valet consequentia : Et certa ac vera significatio jam obtinetur , a qua ad (NB) possibilem , dubiam tamen , non debet fieri transitus . Hucusque Keslerus , qui & p.683. eadem fere inculcat. Et ex his nunc abunde constare potest , quam frivole & inaniter D. Maresius ad pleraque autorum loca a Blondello citata , exceperit , semper tantum urgens , ea de mediata successione Bonifacii papæ (in locum Leonis) intelligi , aut intelligi posse , nec de immediata , quam tamen verba simpliciter accepta innuunt & postulant , intelligi debere : Leonem dici *decessorem Benedicti* non immediatum , sed *mediatum* : Joannam omissam aut præteritam fuisse , *ob facti turpitudinem* , Et quod nullo jure papabilis fuerit ; & quæ ejus generis sunt alia , quibus totam suam responsionem , prout superius visum est , absolvit , librumque suum de Joanna papissa restituta suffarcinavit

cinavit & resperfit : cum tamen hæc omnia effugia sua solide prius & sufficienter probare debuisset. Et sane errores hi in methodum disputandi a D. Maresio commissi , ut plurimum in causa sunt , quod hætenus Andabatarum more tantum disputetur , contentiones & rixæ infinitæ maneant , neque veritas alicujus rei erui , certitudoque aliqua in rebus inveniri aut haberi possit. Nam si & D. Maresius veram disputandi & respondendi methodum scivisset , sine dubio hanc suam Blondelli refutationem nunquam aggressus fuisset , seseque nihil solidi habere , quod Blondello opponeret , vidisset , adeoque veritatem agnovisset , eamque intactam reliquisset , neque frustra persuasisset sibi , ac si Blondello optime respondisset. Bene enim hic iterum notanda veniunt supra citata verba Kesleri , qui in Exam. Log. Photin. pag. 313. ubi de hoc nostro casu agit , Pareumque ejusdem cum D. Maresio vitii reum perstringit , ita scribit : *Multoties usu venit , ut opponens existimet , se satis*
C 3 *super-*

*superque respondentis solutioni satisfacere,
si dicto modo procedat , cum tamen con-
trarium sit dicendum. Dicatur ergo
id ipsum & nunc de D. Maresio.*

F I N I S.



1082. 19

93958632

MC

